

高慈雲外科全書十種



外科醫鏡治驗目錄

腦疽發背搭手

腦疽看法

腦疽治法

腦疽治驗

一王姓年六旬腦疽

一趙姓年五十餘對口

一王姓年七旬腦疽

一黃姓年七旬外腦疽

一王氏年八旬腦疽

一王義發六旬外腦癰

一丁姓年四十外對口

一婦人年近古稀對口疽

一男子對口癰

一張姓年七十外腦疽

一穆姓年八旬腦疽

一楊右腦癰

一戴觀察年八旬腦疽

一男子年五十外偏腦疽

一男子年六旬外腦疽



腦疽簡易數方

一腦腫簡易六方

發背搭手治法

發背搭手治驗

一楊左年古稀上搭手

一李姓年六十五發背

一傅姓年五十中搭

一王姓年四十外對心發

發背搭手看法

一賈姓年四十八九騎樑發背

一王姓年四十外下搭

一張姓串搭

一宗姓年四十餘串搭



南京中醫藥大學圖書館版權所有

腦疽發背搭手

腦疽發背搭手正屬督脈督脈爲諸經之統領屬陽膀胱爲寒水司行之道屬陰背膊幾行惟正中屬督脈餘均屬膀胱而搭手悉在膀胱部分但上搭毒發心肺中搭毒根心經下搭又屬肝腎發背亦然此僅述其部位大致用藥仿此俾有憑依至於辨症順逆則無論其在何部何經若初一粒白泡根盤鬆活腫不散漫頂高易起發亦易生膿疼痛有時飲食有味寒熱雖有次日即清筋脈雖不活動不似繩之細縛口不渴心不煩夜臥如山此乃順症陽症易治易愈若初起渾如黍米微癢不疼漫腫不熱頂塌不高或始起未老白頭中含紫色堅而且硬寒熱頻隨口乾煩躁或肉腫瘡不癰堅結不潰或潰後色如猪肝夜不安臥納穀無味此乃逆症陰症孔孔流血或乾殼無膿或頑腐不脫或神昏譫語面目黧黑疼痛不止新肉不生或生而遲慢此乃逆症陰症難起發難潰難斂初起有表症荊防敗毒散疎腠理俾邪有路而出有裏症內疎黃連湯宣通臟腑然後仙方活命飲化

其內毒將潰宜托宜排已潰輔養氣血稍佐化毒之劑量症選用此治之大概也

腦疽看法

初起形如椒粒或如黃豆粒膿泡旋即焮紅高凸疼痛不大微有寒熱四圍堅結根盤收束至七天瘡頭漸有膿意兩旁雖如帶子蜂房至十四天已膿管通流膿出黃白稠厚四圍腫勢見消二便調和飲食如舊此順症陽症如調理得宜不過四十天已結痂斂口如初起亦如椒粒四五粒一簇或十數粒一簇麻癢相兼瘡色紫黯初不覺疼及知疼痛如湯澆火燎煩躁難受飲食不思身熱夜劇大便閉結小洩短赤口苦舌乾形神困頓日夜呼號甚至神昏譫語四圍如帶子蜂房觸之惟流鮮血日漸延開從右耳後延至左耳後或從左耳後延至右耳後綿長七八寸上下亦寬五六寸至廿一天正膿尚不能見所流者似膿非膿似血非血味極腥穢至廿八天頑腐漸脫四十天方能脫淨此陰症險症治之得法亦得百天完口又有一種初起狀似濕瘡黃豆粒大膿泡大小難以數計有從耳上髮內起



蔓延後項有從後項起蔓延髮內極難辨認治稍大意每致危險人有平日後項素患濕瘡常津毒水屢犯屢痊漫不加意一旦發作後項漫腫毒水不流形寒身熱飲食不思晝夜疼痛至十四天略見正膿四圍亦如帶子蜂房漸欲潰腐至廿一天腐肉始脫新肉漸生治之得法前後完功亦須兩月

腦疽治法

陽症初起嫩紅堅結形寒身熱口乾苔白用荊防敗毒散加銀花連翹解肌化毒略見微汗次日神清氣爽飲食知味可不必服藥如果得汗後依然形寒身熱口苦便閉接服內疎黃連湯一二劑至七八天瘡頭已露正膿四圍如帶子蜂房接服仙方活命飲加桔梗生首烏茄蒂清托如氣體素虧至十四天膿不暢流可加黃芪一兩或七八錢至廿一天膿腐已淨新肉已生接服八珍湯加桔梗銀花連翹助氣血並化內毒至四十天結痂斂口矣陰症初起瘡頭紫黯四圍亦如帶子蜂房外則形寒身熱或內熱口乾便閉溺赤譫語神昏入夜尤重渾身拘急不舒

飲食不進先用荊防敗毒散解其浮邪次用內疎黃連湯或清營解毒湯化其鬱熱或用鮮地黃黃連鬱金橘葉黑梔丹皮銀花連翹解其蓄毒至廿一天正膿依然不見胃口不開瘡口時津鮮血在後項督脈可用陽和湯加黃芪銀花連翹當歸白芷花粉等溫托之並佐藿香砂仁廣皮等醒其胃口在兩旁膀胱經脈或延耳後少陽經脈可用回陽三建湯加羌活柴胡桔梗川芎姜蠶白芷忍冬藤黃芪等托化至廿八天或三十一二天腐肉不脫用利剪當頭剪開若腐肉漸脫新肉漸生當用十全大補佐忍冬藤等養氣血兼化餘毒如剛潰疼痛難忍日夜呼號可服乳香定痛散或止痛丸四五粒開水送下至初起狀似濕瘡微癢微疼亦有寒熱往來此濕熱爲患當用當歸拈痛湯爲主加銀花連翹清化之至瘡口欲潰未潰亦從此方進退稍加黃芪亦可如初起膿泡滿延後項綿亘尺許潰後腐肉一片色黑味穢確係險症如飲食能進大便間日一行還可施治如黃芪黨參當歸白朮銀花甘草肉桂附片等酌量而施若大便溏泄飲食不思服上方胸悶不

舒虛不受補無法施治矣外治法陽症初起當頭搽梅花點舌丹面稍和疽藥紙膏罩之四圍用金不換香油調敷或用冲和膏蜂蜜調圈不使散大至十四日正膿已見改搽海浮散紙膏罩貼至二十一天膿已淨新肉已生改搽九一丹紙膏罩貼日一易間日一易至四十日結痂斂口矣陰症初起瘡口搽蟬酥散稍和疽藥四圍用冲和膏蜂蜜調敷如頭髮有礙瘡口輕手用利剪去之至廿一日正膿不見孔孔流血瘡口改搽八將散或海浮散紙膏罩貼或用松香羔攪二妙散攪和攤紙上量瘡大小貼之外用棉花一層輭帛束之日一易或兩易至廿八天後瘡口腐肉欲脫不脫亦用利剪剪開瘡口搽二妙散用玉紅膏和松香膏攪和攤油紙量瘡口大小貼之至四十天腐肉脫淨瘡口搽九一丹外用松香鉛粉紅玉三膏攪和攤貼日一易至六十天後間日一易至七十天後三日一易五日一易至百日結痂口斂矣如係濕熱成瘡初起滿項膿泡嗣後腐爛一片始起用黃連膏攤紙貼之繼用鉛粉膏攤紙貼之總之外科用藥無論內服外上務要相體裁

衣不可執一拘泥

腦疽治驗

一王姓年已六旬正月初患腦疽始在右耳後膿泡大僅高粱粒微癢抓破日漸蔓延至左耳後綿長八九寸寬六七寸上侵長髮內下延天柱骨並無正頭亦不流膿帶子蜂房約以千計病起兩旬始邀予治初診時脈細如絲精神尙好飲食不多日進稀粥數碗大便不通身熱不大惟呃逆頻頻先用橘皮竹茹湯佐丁香柿蒂日診一次此方連服三劑呃逆已除第瘡頭仍不起發四圍越散越大用神和膏白蜜調圈內服

生黃芪 六錢

川芎 一錢

桔梗 一錢五分

灸山甲 二錢

角刺 二錢

灸乳沒 各一錢

羌活 八分

銀胡 一錢

銀花 四錢

甘草 一錢

此方連服四劑瘡頭仍不起發改進

生黃芪 一兩

銀花 一兩

土炒白朮 二錢

野黨參 一兩



上肉桂丸 汁一錢送下藥

白芷二錢

紫草二錢

正號鹿角膠二錢

川芎一錢

當歸二錢

橘葉一錢

桔梗二錢

羌活一錢

銀花八錢

甘草節二錢

此方連服五劑瘡頭漸覺高腫膿並不多且兩耳後瘡色紫黯欲潰不潰欲腐不腐知係氣血兩傷寒邪鬱伏改用

鹿茸面五分冲

白歸身五錢

紫草一錢五分

野黨參一兩五

上肉桂丸一錢藥汁送下

木香七分

上口芪一兩五

製附片一錢五分

忍冬藤一兩五

土炒白朮七錢

甘草節三錢

此方又服四五劑兩耳後紫黯漸轉紅色未潰者已潰未腐已腐嗣後本此方進退約計廿多劑腐肉已脫新肉已生精神頗健飲食加增前後共服藥五六十劑停藥不服初起外摻海浮散紙膏罩次用紅玉膏攤西毛紙上貼之助其氣血腐肉已淨新肉已生換松香鉛粉紅玉膏三樣攪和攤油紙上蓋貼護其



好肉瘡口惟上九一丹前後通計百天始能完善

趙姓年五十餘患對口初經西醫割破疼痛不休飲食不進始就予治斯時根盤一如覆碟瘡口並不流膿予用活鯽魚三尾去鱗佐白糖頭垢三樣打爛敷瘡之四圍瘡口摻蟾酥散內服

木香一錢

上肉桂丸八分藥汁送下

製香附一錢五

桔梗一錢五

製附片一錢

烏藥一錢五

當歸二錢

川芎一錢

黃芪五錢

陳皮一錢

甘草一錢五

炒枳殼一錢

茄蒂三枚

生首烏五錢

此方服兩劑瘡頭始見正膿然四圍根盤堅硬夜不能臥疼痛夜劇改與

製半夏三錢

合歡花三錢

整廣皮一錢

秫米五錢

夜交藤五錢

藿香一錢五

炙乳沒各錢半

炙栗壳一錢

此方服後疼痛頓去夜亦能臥第瘡頭正膿不多四圍堅結不化瘡口改摩水



銀紅膏四圍用礪砂金不換攪和香油調敷內服

黃芪一兩

當歸二錢

忍冬藤五錢

正號鹿角膠

白芷一錢五

羌活八分

土妙白朮二錢

川芎一錢五分

桔梗一錢五分

甘草節一錢五

整廣皮一錢

茄蒂一枚

生首烏五錢

此方加減連服十數劑瘡口膿已多日夜暢流四圍腫亦漸消瘡口始終上水銀紅膏四十天完功此乃順症並非陰瘡病家已大受驚惶矣

一王姓年已七旬就予診時病已月餘手揭瘡看時後項連及兩耳根紫黯一片無膿無血杳不知疼飲食不進神識昏蒙且頻頻呃逆兩手脈象沉細口乾舌燥轉展躊躇竟無法想不得已外用松香膏和水銀紅膏攤紙罩貼長約八九寸寬五六寸內服

生口芪一兩

野黨參一兩

川貝母三錢

炙杷葉三錢

公丁香十只

柿蒂七枚 整廣皮一錢五

此方服一劑次日呃逆減半瘡口上黑肉似欲脫落囑照服昨方瘡上仍貼昨藥第三日就診腐肉已脫呃逆已無嗣後外搽九一丹玉紅膏鉛粉膏松香膏三樣攪貼內惟服黃芪黨參白朮白芷花粉銀花當歸等約二十餘劑前後共病八十天已完好如初

一黃姓年七十外患腦起疽未兩旬即就予治見其後項蔓延兩耳後幾及腮頤膿水淋漓辨不清瘡頭在何處細詢情形據述最嗜紹酒並喝濃茶向來濕熱頗盛每年夏間在兩足或股臀一帶時起潦泡抓破即結痂毫無痛楚此次項間陡生潦泡數粒抓破並不結痂越延越大日來寒熱交增飲食不進且渾身難受背項如負大石予細察病情確係風濕爲患然病勢如此利害非大劑清化不克奏功於是外上松香膏和升丹少許攪和貼於瘡上內服

細川連 三錢

防風 三錢

白芷 三錢

銀花 一兩五錢

羌活 一錢五

葳靈仙 三錢

連翹 七錢

茵陳草 七錢

甘草 三錢

桔梗 三錢

此方連服兩劑膿水不多腐肉欲脫胃氣略醒改用搜風燥濕托毒扶陽

生黃芪 二兩

當歸 一兩

羌活 二錢

土炒白朮 六錢

茵陳草 八錢

連翹 八錢

忍冬藤 一兩五

防風 四錢

桔梗 三錢

甘草 三錢

茄蒂 兩個

此方連服四劑腐肉已脫新肉生遲高年氣血兩虧改與峻補

生口芪 四兩

上肉桂丸 錢半藥汁送下

正號鹿角膠 四錢

黨參 四兩

土炒白朮 一兩

連翹 一兩

歸身 二兩

忍冬藤 二兩

生地 一兩砂仁一錢拌炒

甘草 一兩

生薑 兩片

紅棗 三枚

此方連進五劑胃口頓開新肉已生收功在邇不料病人不知忍耐因小事妄



南京中醫藥大學圖書館版權所有

動肝火致飲食不進胸悶不舒瘡口發懈速用

野黨參 一兩

橘 葉 一錢

製川朴 一錢五分

土炒白朮 四錢

製半夏 三錢

白茯苓 四錢

南查炭 一錢五

柴 胡 一錢五

蘇 梗 一錢五

杭白芍 五錢

連服兩劑瘡口束攏胸滿已舒能進飲食隨服芩黨膏日各一兩開水送下不服煎劑瘡口摻九一丹用玉紅鉛粉松香三樣膏攤紙貼之日易一次至六七天後間日一易又十餘日隔四五天一易前後共計兩月平復如初

一王氏年已八旬家極寒苦患腦疽初起如燒餅大瘡頭如帶子蜂房初瘡口摻疽藥和海浮散四圍用金不換香油調上先服仙方活命飲加桔梗羌活化之連服四五劑正膿已見惟日夜疼痛內服止疼丸每日十五粒分三次服並用黃芪膏日服一二兩開水冲瘡口摻海浮散罩白玉膏前後四十天完好如初王義發年六十外夏患腦癰第十六日邀予診治見其年近古稀精神尚稱中等

飲食尚可腫勢上至辮根下至天柱骨左右延及兩耳根按之中空引手內有膿矣左右耳根旁又刺一刀出膿極厚正中一頭早已自潰日出膿不少潰處均上升丹粗紙捻內服

黃芪四錢

連翹三錢

瓜蒌根三錢

桔梗錢五

赤芍酒炒三錢

草節一錢

當歸三錢

炒白朮二錢

忍冬藤三錢

此方連服三劑腫漸見消膿亦見少惟稠粘外仍上升丹捻內照此方又三劑連看五次以此方為主略爲變通直至結痂始終用升丹計起發至落痂共四十日

此腦癰陽症順症

丁姓男子年四十外夏患對口根盤始如棋子漸大如杏如桃如茄並無寒熱亦不覺痛楚兩候始就予治見其身體肥胖濕痰必多且瘡口已大如錢許有膿

不多毫無痛楚按之木硬非濕痰而何外用升丹捻插入內服

姜半夏 二錢

茯苓 三錢

陳皮 一錢

姜製朴 一錢

炒白朮 三錢

角刺 二錢

桔梗 一錢

黃柏 七分

連翹 三錢

甘草 一錢

此方服兩劑後瘡頭如前未大根盤反堅硬且加疼痛寒熱病者蹙額曰先生病加劇矣奈何予笑曰斯得之矣此病不痛根盤不硬乃濕痰互結如今濕化痰解指日告痊何慮之有瘡口仍用前兩藥內改方

生黃芪 四錢

法半夏 二錢

炒白朮 二錢

白茯苓 三錢

生米仁 四錢

桔梗 一錢

角刺 錢半

川朴 姜製 一錢

陳皮 七分

此方連服三劑瘡口膿如泉湧日放三四次每次兩酒杯外上升丹內不服藥如是五六日瘡口已平膿亦稀少又兩日已流黃水患者胃口不醒改用香砂